



Notat

Til
Kopi til:

Saksbehandlar: Rådmann/Åse Elin Myking
Vår referanse: 19/1329 - 20/3732
Dato: 30.04.2020

Emne: Kollektivterminal Dale - informasjon etter møte med Vestland fylke

Kommunen har dei siste år hatt ein god dialog med Hordaland fylkeskommune om ny kollektivterminal på Dale. I samband med utbygging av ny skule er det sett på løysingar for ein terminal. Kommunen er tidlegare tildelt 1 million til planlegging av ny terminal og reguleringsplanen er utarbeida og godkjent.

Nyleg hadde kommunen eit Skypemøte med Vestland fylke om kollektivterminalen. Møtet var først og fremst ein oppstart med ny fylkeskommune og ny prosjektleiar. Fylkeskommunen orienterte om prosessar, budsjett og prosjekt frametter. Dei er i oppstart med ein regional transportplan.

Finansiering av ny kollektivterminal på Dale er så langt ikkje tatt inn i regional transportplan. Ny prosjektleiar gav uttrykk for at det vil vera vanskeleg å prioritere prosjektet og oppmoda kommunen til å vurdere rimelegare løysingar. Kommunen opplevde ei endra haldning i fylkeskommunen til deira rolle i saka; der dei tidlegare har vore positive til finansiering var det no ei meir avventande haldning til dette.

Partane vil vere i dialog framover om det vidare arbeidet med terminal. I samband med regional transportplan har kommunestyret også høve til å kome med framlegg til tiltak.